

Bina parit tak ikut spesifikasi

SUNGAI JAROM - Penduduk di Lorong 17 Jenjarom, meluahkan rasa tidak puas hati berikutan kerja penyelenggaraan sistem perparitan di kawasan itu seperti melepaskan

batok di tangga.

Penduduk, Tan Leong Wah berkata, longkang besar dikecilkan dan pengaliran air yang banyak menyebabkan air melimpah.

Menurutnya, pihak berkenaan didakwa tidak melakukan kerja penyelenggaraan mengikut spesifikasi sehingga menimbulkan masalah kepada penduduk sekitar.

Bagaimanapun, masalah tersebut telah dipanjangkan kepada Ketua Wanita MCA Bahagian Kuala Langat, Ng Siok Hwa, dan beliau turut mempersoalkan keluasan parit yang dibina tidak sama saiz.

Menurutnya, keadaan itu boleh menyebabkan pembiakan aedes dan air akan bertakung jika paras tinggi.

“Saya juga mendapat maklum balas bahawa pihak berkenaan memberitahu, asalkan air boleh jalan pun dah cukup dan saya kesal dengan kenyataan itu.

“Bagi saya, walaupun wakil rakyat di kawasan itu berdepan pelbagai masalah berikutan pemecatannya daripada DAP, beliau perlu mengambil perhatian permasalahan penduduk,” katanya.



Siok Hwa meninjau sistem perparitan di Lorong 17 Jenjarom.